

97  
K291  
35  
2=4

# 明實錄北京史料

(四)

附 條目分類索引

趙其昌 主編

北京古籍出版社



C 522734

## 目 錄

穆宗隆慶六年(1572).....	1
神宗萬曆元年(1573).....	14
萬曆二年(1574).....	31
萬曆三年(1575).....	43
萬曆四年(1576).....	53
萬曆五年(1577).....	66
萬曆六年(1578).....	72
萬曆七年(1579).....	79
萬曆八年(1580).....	84
萬曆九年(1581).....	93
萬曆十年(1582).....	101
萬曆十一年(1583).....	109
萬曆十二年(1584).....	131
萬曆十三年(1585).....	142
萬曆十四年(1586).....	157
萬曆十五年(1587).....	168
萬曆十六年(1588).....	180
萬曆十七年(1589).....	186
萬曆十八年(1590).....	200
萬曆十九年(1591).....	205
萬曆二十年(1592).....	213

萬曆二十一年(1593).....	225
萬曆二十二年(1594).....	238
萬曆二十三年(1595).....	241
萬曆二十四年(1596).....	251
萬曆二十五年(1597).....	266
萬曆二十六年(1598).....	277
萬曆二十七年(1599).....	284
萬曆二十八年(1600).....	293
萬曆二十九年(1601).....	300
萬曆三十年(1602).....	308
萬曆三十一年(1603).....	318
萬曆三十二年(1604).....	325
萬曆三十三年(1605).....	332
萬曆三十四年(1606).....	346
萬曆三十五年(1607).....	353
萬曆三十六年(1608).....	360
萬曆三十七年(1609).....	368
萬曆三十八年(1610).....	377
萬曆三十九年(1611).....	384
萬曆四十年(1612).....	391
萬曆四十一年(1613).....	404
萬曆四十二年(1614).....	408
萬曆四十三年(1615).....	415
萬曆四十四年(1616).....	435
萬曆四十五年(1617).....	445
萬曆四十六年(1618).....	455
萬曆四十七年(1619).....	473
萬曆四十八年(1620).....	490

---

光宗泰昌元年(1620).....	500
熹宗天啟元年(1621).....	509
天啟二年(1622).....	540
天啟三年(1623).....	557
天啟四年(1624).....	582
天啟五年(1625).....	587
天啟六年(1626).....	611
天啟七年(1627).....	646
懷宗崇禎元年(1628).....	666
崇禎二年(1629).....	667
崇禎三年(1630).....	672
崇禎四年(1631).....	674
崇禎五年(1632).....	675
崇禎六年(1633).....	676
崇禎七年(1634).....	676
崇禎八年(1635).....	677
崇禎九年(1636).....	678
崇禎十年(1637).....	680
崇禎十一年(1638).....	681
崇禎十二年(1639).....	683
崇禎十三年(1640).....	684
崇禎十四年(1641).....	685
崇禎十五年(1642).....	687
崇禎十六年(1643).....	689
崇禎十七年(1644).....	688
條目分類索引.....	695

---

## 隆慶六年(1572)

1 五月辛亥 命禮部左侍郎王希烈往天壽山相度大行皇帝山陵。

(神宗萬曆實錄卷1 第3頁 1.2.0001)

2 六月庚申 傳諭山陵事宜，遣大學士張居正同司禮監太監曹憲于即位禮成後復往視。居正上言：送終之事至大，相地之理甚微，事大則處之不厭其詳，理微則求之必貴于廣，乞照嘉靖七年事例，差禮、工二部堂上及科道官各一員，帶領欽天監諳曉地理官員、陰陽人等，舉〔校記：廣本舉上有仍訪二字，是也〕廷臣中有素精地理者一員，同往相度。疏下禮、工二部，于是戶部尚書張守直、禮部右侍郎朱〔校記：廣本朱作諸，是也〕大綬、工部左侍郎趙錦、禮科都給事中陸樹德、江西道御史楊家相、工部主事易可久同居正等詣天壽山潭峪嶺復營視山陵。

(神宗萬曆實錄卷2 第3頁 2.2.0012)

3 六月癸亥 以神機營參將林岐管大石窩工程。

(神宗萬曆實錄卷2 第4頁 2.3.0012)

4 六月甲子 上即位，遣成國公朱希忠、英國公張溶、駙馬都尉許從誠、定西侯蔣佑告于南北郊、太廟、社稷壇……改明年為“萬曆”元年，大赦。

(神宗萬曆實錄卷2 第4頁 2.3.0012)

5 六月丁卯 朝鮮國王李昫遣陪臣奉獻方物、馬匹謝恩，給賞綵段衣服等物如例。

(神宗萬曆實錄卷2 第15頁 2.11.0030)

- 6 六月丁卯 工部以陵工浩繁請添設司官三員，從之。  
(神宗萬曆實錄卷2 第15頁 2.12.0031)
- 7 六月戊辰 輔臣高拱特請工部尚書朱衡解督理河工、總〔校記：廣本、抱本總下有督字〕理山陵事務。從之。  
(神宗萬曆實錄卷2 第16頁 2.12.0032)
- 8 六月戊辰 調神機三營練勇參將金璋分守通州，以鞏華城遊擊將軍李時充神機三營練勇參將。  
(神宗萬曆實錄卷2 第16頁 2.12.0032)
- 9 六月己巳 大學士張居正等還自天壽山。詔建大行皇帝陵寢于大峪山，賜居正等銀幣有差。  
(神宗萬曆實錄卷2 第17頁 2.13.0031)
- 10 六月甲戌 以初建山陵遣〔校記：廣本、抱本遺下有國字〕公張溶、侯蔣佑、郭大誠、駙馬許從誠、伯陳王謨、曹文炳、毛登、都督李偉祭告于長陵、獻陵、景陵、裕陵、茂陵、泰陵、康陵、永陵；伯楊炳、張元善、侍郎翁汝達祭告于天壽山后土司工之神。  
(神宗萬曆實錄卷2 第21頁 2.19.0046)
- 11 六月甲戌 命工部右侍郎翁汝達提督陵工。  
(神宗萬曆實錄卷2 第25頁 2.20.0047)
- 12 六月丙子 命錦衣衛左都督朱希孝往來督視陵工，僉事楊俊卿專管監督。  
(神宗萬曆實錄卷2 第29頁 2.23.0053)
- 13 六月丁丑 朝鮮國王李昖遣陪臣禮曹參判樸民獻等正、從三十八人謝恩。  
(神宗萬曆實錄卷2 第29頁 2.23.0053)
- 14 六月戊寅 保定撫臣宋纁奏分布秋防兵馬言：本鎮東北起沿河口，西南至數道巖，延袤一千三百餘里，計隘口二百九十餘處，中間極衝，曾經胡虜侵犯，隘口須重兵提備。軍兵聽總督調

遣分布外，見在二萬一千五百八十三員名，會同總兵官酌量分派。紫荊關咽喉重地，總兵李勇、真定遊擊吳守直住鎮城，有事李勇領本營馬兵移駐紫荊關，守直移營塔崖驛，東西隨宜策應浮圖峪；又紫荊關要衝，守備李寔領漢軍駐峪口，副總兵張玘領所部駐紫荊關，有事趨赴白石等口，仍策應浮圖峪。靜安馬龍溝指揮王大寶領茂山衛班軍守之，仍聽玘調遣策應。馬水口大龍門內險處始平，且迫近保安、宣府，稱衝要，副總兵宋蘭統所部駐本口；都司吳芝統忠順軍守龍門，兼防沿河等口；千戶王汝松領遺剩〔校記：廣本遺作選，剩誤順〕漢軍專守門下蔡材安口；倒馬關參將統所部駐本關，兼應援插箭嶺下場峪等處；真定守備于慶統真神二衛班軍守跌崖，兼防插箭嶺所屬西峰峪等處；定州指揮夏宗禹領選剩忠順軍防倒馬關所屬插箭嶺等處；龍固關副總兵胡宗舜統所部防二關，兼應援吳玉等口，但探有警，即趨娘子關等處，隨賊嚮往堵截。其軍門標下馬步奇兵二千一百五十名，量帶三百名駐劄易州，往來提督。餘令帶管坐營官胡懋功統領，于真定鎮城團練聽調策應。各將官雖分有信地，仍聽臨時互調，以保萬全。如警報重大，更調易州、井陘、大名三兵備道兵備〔校記：廣本無兵備二字〕。副使高文薦駐紫荊關，崔鏞駐倒馬關，徐炳駐井陘〔按：館本無陘字，廣本、抱本有陘字〕縣，各照所轄地方調度兵馬錢糧事務，毋得致誤軍機。疏下該部。

（神宗萬曆實錄卷2 第30頁 2.23.0051）

15 六月己卯 差兵科左給事中吳文佳、江西道御史楊家相催督陵工，家相仍糾察奸弊。

（神宗萬曆實錄卷2 第31頁 2.25.0057）

16 六月辛巳 勅諭禮部：皇考穆宗孝莊皇帝山陵薦號曰“昭陵”。

（神宗萬曆實錄卷2 第33頁 2.26.0060）

17 六月辛巳 復除工部屯田司主事隗邦衡及戶部主事石漢、

錢楷俱改工部屯田司。聽分委管理陵工。

(神宗萬曆實錄卷2 第34頁 2.27.0061)

18 七月甲申朔 初享太廟，上駕及門，雷雨大作，須雨止。

(神宗萬曆實錄卷3 第1頁 3.1.0065)

19 七月乙酉 命工部尚書朱衡閱視陵工，左〔校記：廣本、抱本左上有工部二字〕侍郎趙錦督催木石諸料。

(神宗萬曆實錄卷3 第4頁 3.3.0069)

20 七月丙戌 工部題〔校記：廣本、抱本題作進〕陵工事宜。一、計處錢糧。一、議撥軍夫。一、查復職掌。一、預備木料。一、改發石料。一、議處運木。一、責成委官〔校記：廣本脫官以上二十字〕。一、酌用磚料。一、召募將作。一、議處物料。

(神宗萬曆實錄卷3 第5頁 3.4.0072)

21 七月丁亥 以大行皇帝尊諡禮成，詔告天下。詔曰：……尊諡曰：“啟天隆道淵懿寬仁顯文光武純德弘孝莊皇帝”，廟號“穆宗”……布告中外，咸使聞知。

(神宗萬曆實錄卷3 第5頁 3.4.0072)

22 七月丁亥 初通漕運于密雲，尋始復〔按：館本始復作加復，廣本作復加，抱本作始復〕密雲漕糧五萬石。先是，總督侍郎劉應節等言：塞備以儲餉爲急，軍需以漕輓爲便，密雲一城，環控白、潮二水，若天開以便漕者。向二水分流，至牛欄山始合，故駁船〔按：館本駁作剥，廣本、抱本作駁，下同〕自通州而上者亦至牛欄山止，若至龍慶倉，從陸輸輓〔校記：廣本作輓輸〕，軍民艱苦之狀，水次露積之虞，難以悉狀。今白水徒流西城下，去潮水不二百武，前于城東北業築三合上隄，障水防城，近有疏渠于上，植〔校記：廣本植作填〕壩于下，邀潮入白，合爲一派，水漕深便，駁船可達密雲無疑。漕渠既通，漕額宜復，蓋密雲經費視諸鎮獨多，其糧料視諸鎮獨貴。先年漕額運昌平共十八萬石餘，今止十四萬餘，密雲僅得十萬有奇，雖益以屯糧，民

運能濟幾何？所賴只有招商一法，然邊鄙民貧，每至僉商，若驅就陷穽，豈足終恃？今查通倉粟米每至腐積，各軍領者每爲蹙額，若移通倉五萬石漕于密雲，扣密雲折色三萬五千兩存留太倉，給京軍月糧，則無腐粟，京軍有實惠，密雲免商苦，此外尚欠二萬石，則聽本鎮節縮匡處。及言設立曬場、成造駁船等事。部覆，俱從之。

(神宗萬曆實錄卷3 第6頁 3.5.0074)

23 七月丁亥 調……宣府新開口堡守備指揮僉事閻萬石爲署都指揮僉事，充鞏華城遊擊。

(神宗萬曆實錄卷3 第7頁 3.5.0074)

24 七月庚寅 戶、刑等部……順天府府尹孫一正各自陳乞罷，詔報……自強致仕，永祿調南京，餘俱留。

(神宗萬曆實錄卷3 第9頁 3.7.0077)

25 七月丙申 都察院請復巡視居庸、山海二關御史，詔報罷。

(神宗萬曆實錄卷3 第15頁 3.12.0088)

26 七月庚子 勅諭太子少保工部尚書朱衡等：茲者，營造皇考穆宗皇帝山陵，事體重大，特命爾衡，不妨部事總督工程，往來閱視；右侍郎熊汝達等專在工所提督工程；總督京營戎政彰武伯楊炳、協理戎政兵部左侍郎王遴輪流前去，提督軍夫工匠人役；掌錦衣衛事太保兼太子太傅左都督朱希孝，不妨衛事往來督視；管錦衣衛事署都指揮同知楊俊卿，專在工所監督工程。爾等凡事與提督太監周宣等公同計議，各宜殫忠竭慮，悉心經理，固不可因陋就簡以天下而儉其親，亦不宜浪費糜財，飾虛文而鮮實用。務俾工作完美，刻日報完，用垂萬世永久之圖，副朕慎重大事之意，爾等共慎之、慎之。欽哉，故諭。

是日并勅諭內官監太監周宣等提督工程。

(神宗萬曆實錄卷3 第20頁 3.16.0096)

27 七月庚子 總督薊遼保定軍務兵部右侍郎劉應節奏秋防分布兵馬言：薊昌地方，自鎮邊城至山海關，延長二千一十七里，分爲一十四路，臣應節駐密雲，巡撫楊兆駐遵化，各往來督理諸路軍務，遇警各隨營調度。昌平鎮三路，邊長四百六十里，總兵楊四畏鎮守，兵備僉事張廷弼整飭地方。薊州鎮十一路，邊長一千五百五十七里，俱屬總兵戚繼光（按：先當爲光之誤）鎮守地方。內石塘嶺、吉北口、曹家寨、牆子嶺四路邊長六百五十四里，屬副總兵張臣協守，兵備副使王一鶚整飭地方。馬蘭谷、松棚谷、太平寨三路邊長四百五十七里，馬蘭一路屬張臣協守，松棚、太平二路屬副總兵史剛協守。燕河營、臺頭營、石頭〔按：館本頭作門，廣本、抱本作門〕寨、山海關四路邊長四百四十六里，俱屬史剛協守，兵備副使孫應元整飭地方。總兵、副總兵各統領官軍時加訓練，所鎮地方有警，卽首先迎敵，他鎮有警，亦調聽策應，其兵備官俱各駐適中地方監督料理。又遼東地方與薊鎮相爲唇齒，遇有警急，一體相機遣兵策應。

（神宗萬曆實錄卷3 第21頁 3.17.0097）

28 七月辛丑 陞紫荊閩參將張琬〔按：館本琬作琬，廣本作琬，抱本作琬〕爲署都督僉事，充神機營右副將，以南京後軍都督府僉書劉豹充五軍營右副將。

（神宗萬曆實錄卷3 第23頁 3.18.0100）

29 七月甲辰 差翰林院編修韓世能、吏科左給事中陳三謨頒登極詔于朝鮮國，隨各賜織金羅衣各一襲，寶鈔錠一百〔按：館本鈔下無錠字，廣本百下有錠字〕。

（神宗萬曆實錄卷3 第26頁 3.21.0105）

30 七月甲辰 五軍營副將焦澤等自陳不職，兵部覆：焦澤等照舊供職，艾梓革任閑住，許昭訓降調別用。

又五軍都督府僉書并府軍前衛掌衛及專管圍子手紅盔侯伯勳衛等官自陳不職，部覆：陳良弼等照舊供職，朱岡〔校記：抱本

開作綱，誤〕革任閑住。

(神宗萬曆實錄卷3 第25頁 3.21.0106)

31 七月甲辰 差兵科給事中匡鐸監視陵工。

(神宗萬曆實錄卷3 第26頁 3.21.0106)

32 七月丙午 工部尚書朱衡奏：先帝陵寢係肅皇帝爲睿祖造建〔校記：廣本造建作建造〕，玄宮之地內紫光煥發，和氣鬱蒸，門堂乾潔，宛若煖室，玄宮安妥則大襄有期。上悅，命禮部議發引事宜。

(神宗萬曆實錄卷3 第27頁 3.22.0107)

33 七月戊申 勅給事中匡鐸、御史楊家相巡視催儉陵工。

(神宗萬曆實錄卷3 第27頁 3.22.0108)

34 八月乙卯 陞……黃花鎮守備李世臣爲昌平府等處遊擊。

(神宗萬曆實錄卷4 第2頁 4.1.0133)

35 八月庚申 陞興州右屯衛副千戶劉雄論守備黃花鎮。

(神宗萬曆實錄卷4 第4頁 4.3.0112)

36 八月乙丑 賜朝鮮國進貢陪臣朝參騎坐馬匹。

(神宗萬曆實錄卷4 第10頁 4.8.0151)

37 八月己巳 遣戶部右侍郎郭朝祭恭靖公姚廣孝〔按：館本朝下有賓字。祭恭靖公姚廣孝作祭太倉之神〕，順天府官祭宋丞相文天祥，太常寺少卿祭太倉之神〔按：館本寺下有官字。祭太倉之神作祭恭靖公姚廣孝〕。

(神宗萬曆實錄卷4 第15頁 4.12.0159)

38 八月癸酉 賞朝鮮國陪臣三十三人衣段、絹布、靴襪有差。

(神宗萬曆實錄卷4 第22頁 4.18.0172)

39 八月癸酉 工部覆工科給事中劉渾成奏〔按：館本奏作清，抱本作奏，誤〕理廠庫四事。一、分別各廠軍器，何緩何急，先後成造。一、量度庫藏損少，或葺或建，廣儲軍器。一、節慎

庫解批令明注單封，以防欺蔽〔按：館本蔽作隱，抱本作蔽〕。  
一、戊字庫軍器令加工修理。報可〔校記：廣本報上有上字〕。

（神宗萬曆實錄卷4 第23頁 4.18.0172）

40 八月乙亥 遷孝懿莊皇后梓宮祔葬昭陵，命侯顧寰、副將焦澤爲提督官。

（神宗萬曆實錄卷4 第24頁 4.19.0174）

41 八月丁丑 朝鮮國王差陪臣金添慶等三十三名慶賀萬壽聖節。以大行皇帝喪禮，令回，遼東都司筵宴，給賞物如例。（按：此條館本錯簡）

（神宗萬曆實錄卷4 第25頁 4.21.0177）

42 八月庚辰 勅密雲右營副總兵董一无（按：无爲元之誤，參見本編132條）聞住。督臣劾其大壞官箴也。

（神宗萬曆實錄卷4 第27頁 4.22.0180）

43 八月壬午 遣翰林院編修韓世能、吏科左給事中陳三謨頒登極詔于朝鮮國，仍勅諭國王李昉（按：館本昉作昞，是也）及其妃賜幣帛文綺有差。

（神宗萬曆實錄卷4 第28頁 4.23.0181）

44 八月癸未 以神樞營右副將傅津充總兵官鎮守保定等處地方。

（神宗萬曆實錄卷4 第29頁 4.23.0182）

45 九月甲申朔 工部題：兩京內官舊使人等，自隆慶五年九月至六年八月除事故五十一員名，實在一萬二千七百二十九員名，共該折色靴銀七萬二千一百二十七兩四錢，屯田司庫貯不敷，准予營繕司郎那一萬兩，都水司那三千兩，屯田本司動支四萬三千〔按：館本萬下無三千二字，廣本、抱本有三千〕百二十七兩四錢，登簿送巡視廠庫科道掛號帖，節慎庫湊數解給。

（神宗萬曆實錄卷5 第2頁 5.1.0186）

46 九月甲申朔 陞黃花參將程九思爲神樞營右副將。

(神宗萬曆實錄卷5 第2頁 5.1.0186)

47 九月乙酉 以萬全都司僉事〔校記：館本事作書，抱本作事，誤〕孟傑充密雲標下左遊擊。

(神宗萬曆實錄卷5 第3頁 5.2.0187)

48 九月丙戌 陞張家灣備禦李逢時補密雲標下右營遊擊。

(神宗萬曆實錄卷5 第4頁 5.3.0189)

49 九月己亥(按：館本己亥作丁亥，是也) 以……宣府八衛遊擊斬付補分守黃花鎮參將。

(神宗萬曆實錄卷5 第5頁 5.4.0191)

50 九月己巳 夜電。

(神宗萬曆實錄卷5 第5頁 5.4.0192)

51 九月己巳 府軍衛指揮僉事賈涇備禦張家灣地方。

(神宗萬曆實錄卷5 第6頁 5.4.0192)

52 九月甲午 穆宗莊皇帝梓宮歸葬于昭陵。

(神宗萬曆實錄卷5 第7頁 5.6.0195)

53 九月壬戌 以薊州守備王汲充薊鎮大水峪遊擊〔校記：廣本、抱本脫此節〕(按：梁本脫此節，據館本補)。

(6.7.0219)

54 十月甲子 朝鮮國王李昫差陪臣齋表陳慰，并獻進香物，命鴻臚寺詣引〔校記：廣本詣引作引詣〕昭陵行禮，賞賜練段、衣服等物。上嘉昫送還被虜人口，屢效忠順，令其陪臣齋銀一百兩，錦四段，紵絲十二表裏，仍賜勅獎勵。

(神宗萬曆實錄卷6 第10頁 6.8.0221)

55 十月丁卯 戶部奏定做工軍夫糧數。神木、黑窩二廠每軍月糧四斗，其冬衣、布花不分二廠，苑、海，每軍各布二疋，一本色，一折鈔，棉花各一斤八兩。有逃故者即行開除。仍嚴行薊、永、密、昌〔按：館本薊、永、密、昌作薊、密、昌、永〕四鎮，但有衛所冊籍開載神木、黑窩并上海子等軍名色，盡數開除，以絕後弊。

(神宗萬曆實錄卷6 第12頁 6.10.0225)

56 十月庚午 慈寧宮後西連房火。內閣府郡〔按：館本部作部，是也〕及日講等諸臣等上疏恭慰，俱報聞。

(神宗萬曆實錄卷6 第13頁 6.11.0227)

57 十月辛未 陞分守馬水口參將陳蘭爲神樞營右副將。

(神宗萬曆實錄卷6 第15頁 6.12.0229)

58 十月甲戌 以昌平總兵標下遊擊滿朝相充分守馬水口參將。

(神宗萬曆實錄卷6 第17頁 6.14.0233)

59 十月戊寅 陞遼東靉陽城守備王有臣充昌平標兵營遊擊。

(神宗萬曆實錄卷6 第20頁 6.17.0239)

60 十月己卯 戶部奏請開濬榆河自鞏華城達于通州渡口，運糧四萬石給長陵等八衛官軍月糧，從之。先是，衛軍選八〔按：館本八作人，廣本、抱本作八〕營路與邊軍共資防守者仍于京倉支糧，甚爲繁苦，且多弊竇，總督楊兆倡議以請也。

(神宗萬曆實錄卷6 第21頁 6.17.0240)

61 十月辛巳 順天巡撫楊兆奏：日者奉詔修補所屬城池，查自隆慶年大虜入犯後，各府州縣城垣築修〔校記：廣本築修作修築〕過四十餘座，其鄉村莊堡亦修葺過四十餘座，俱堅固堪持，共用過官銀三萬二千餘兩，今止有支剩官銀一千七百餘兩，應修之堡尚多，若一概通修，不惟工程浩繁，帑銀有限，抑恐堡多力分，難以拒守。分守不若併守爲堅，分修不若併修爲要。況內地重在州縣，村堡爲緩；邊境重在鎮城，關寨次之。如腹衷〔按：館本衷作裏，是也〕則灤縣爲急，近邊則三屯營爲急，至如馬城、倭城、維文谷、四海以〔按：館本以作口〕諸城堡則當併力修之者，但在邊城堡藉主客兵力，兼灰石稍便，不過量發官銀爲犒賞米鹽之資，在腹衷者必據其原估，盡發應用官銀，方免別項科派之弊。因請銀二萬兩，期以三歲告成，足堪保障。兵部奉旨議給銀一萬兩。

(神宗萬曆實錄卷6 第25頁 6.20.0246)

62 十一月癸未朔 命河道郎中王體復清查近畿葦地。工部言：順天、河間二府所屬霸州及武清、大（按：館本大作文，是也）安、大城、靜海四縣，原額葦地四千五百七十七頃，歲徵銀九千一百五十四兩解貯節盛（按：館本盛作慎，是也。）庫。查節年所解，十無一二，天地自然之利既不能蠲以與民，又不用之在官，徒以資鄉豪之兼併，充吏胥之囊橐。畿甸之中，有此弊政，殊非法紀。除拖〔按：館本拖作迤，廣本、抱本作拖，是也〕欠者奉詔蠲免，乞趁此更新之會，大加查理，以除積弊。

(神宗萬曆實錄卷7 第2頁 7.1.0250)

63 十一月癸未朔 賞朝鮮國齋捧陳慰表文并進番陪臣綵段、靴轆等物。

(神宗萬曆實錄卷7 第3頁 7.2.0251)

64 十一月己丑 朝鮮國王李昫遣陪臣貢方物、馬匹表賀，賜宴賞如例。

(神宗萬曆實錄卷7 第4頁 7.3.0254)

65 十一月己丑 朝鮮國王李昫遣陪臣參判姜士〔校記：廣本土作于〕弼等貢方物、馬匹，表賀皇上登極。併遣陪臣賚王貢方物（按：館本無遣陪臣賚王貢方物八字，廣本、抱本有，抱本王作士），賀長至令節，賜宴賞如例。

(神宗萬曆實錄卷7 第5頁 7.4.0255)

66 十一月壬辰 薊遼總督劉應節題稱，〔校記：抱本紅筆批云：同前楊兆疏〕修完城堡一百二十餘座，用過官銀三萬二千二百餘兩，尚餘一千七百八十餘兩，應修之處尚多，請發帑二萬。部覆給馬價銀三千兩，戶部發七千兩，共銀一萬兩，其餘聽本鎮便宜取給，限三年修完。

(神宗萬曆實錄卷7 第5頁 7.4.0255)

67 十一月辛丑 蠲免昌平州寄養馬匹以奉祀諸陵，比鳳陽泗

州例也。

(神宗萬曆實錄卷7 第10頁 7.8.0263)

68 十一月丙午 照(按:館本照作昭,是也)陵神宮監給果廠房屋二百九十八間。

(神宗萬曆實錄卷7 第13頁 7.10.0268)

69 十二月癸丑朔 命順天府祈雪。

(神宗萬曆實錄卷8 第1頁 8.1.0277)

70 十二月辛未 薊遼總督劉應節巡撫楊兆疏議:密雲、遵化、三屯各軸(按:館本軸作輻,是也)重營,每營改造大車八十輛,三營凡二百四十輛;每車用騾(按:館本騾作羸,下同)八頭,三營凡十千七百二十頭(按:館本十千七百作一千九百);一車用銀十二(按:館本二作三)兩,一騾十兩,三營車羸凡用二萬二千三百一十二兩,買騾及養騾草料于各營減取原用馬匹抵補;每營用軍士三千,三營九千。附以火器,管以將領,服載既稱便利,錢糧又不增加,戶部省轉輸之難,地方免野掠之患。部覆行之。

(神宗萬曆實錄卷8 第10頁 8.9.0293)

71 十二月甲戌 以原任副總兵管參將事薛邦奇充神機營練勇參將,以神機二營佐擊林棟充五軍王營(按:館本王作八,廣本作三)參將。

(神宗萬曆實錄卷8 第15頁 8.13.0301)

72 十二月乙亥 上御皇極殿,順天府官進春,百官稱賀。

(神宗萬曆實錄卷8 第16頁 8.13.0302)

73 十二月乙亥 以營(按:臺本營作管)領黃花鎮班軍署都(校記:館本無都字,廣本、抱本有都字)指揮僉事嚴勳充神機(按:館本機作樞,廣本、抱本作機)三營佐擊統領官軍操練行事。

(神宗萬曆實錄卷8 第16頁 8.14.0303)

74 十二月丁丑 朝鮮國王李昞遣陪臣參判宋贊等表進方物、

馬匹〔按：館本無表進方物馬匹〕，賀穆宗皇帝冊諡、二聖皇太后徽號，如例賜宴賚，不作樂、簪花。

(神宗萬曆實錄卷 8 第17頁 8.15.0305)

75 十二月丁丑 以……密雲城守備管遠幹充神機三營佐擊。

(神宗萬曆實錄卷 8 第18頁 8.15.0305)

76 十二月戊寅 總督倉場侍郎郭朝賓奏：隆慶五年十二月至今年十一月終，太倉銀庫實在金四百六十五兩，銀四百三十八萬五千八百七十五兩有奇，銅錢一千六百四十萬六千四百有奇。

(神宗萬曆實錄卷 8 第19頁 8.16.0308)

77 十二月己卯 陞真定衛左所千戶張玠守備密雲。

(神宗萬曆實錄卷 8 第20頁 8.17.0309)

78 十二月庚辰 陞五軍營練勇恭將鄒沂以副總兵管理朔州城參將事務，署都指揮僉事趙伯勳爲署都督僉事充神機營副將。

(神宗萬曆實錄卷 8 第21頁 8.18.0311)

79 十二月辛巳 朝鮮國差陪臣表進方物、馬匹，賀穆宗莊皇帝尊諡暨兩宮徽號，如例給賞。

(神宗萬曆實錄卷 8 第21頁 8.18.0311)

80 十二月辛巳 解馬價銀九千六百兩于密雲，以事〔按：館本事作市，是也〕車贏。

(神宗萬曆實錄卷 8 第23頁 8.20.0315)